

Federico P. Krutwig. Bilbao'ko jaun gaztea, Euskaltzaindikoa, gutti ezaguna ondiño, bañan ageri da etorkizunaren itxaropen bat, dala gure gaurko lankidea.

Bihotza!

Munduak gezurra diyotsu, bihotza.
Gezur-gezurra bere argi indartsuez,
Nigarretan miña inork ere aditzen
Eztuela derakhus.

Dadukazun miña ixillik negarr zazu,
Munduak ba'lekhus' handitu luke ta,
Nihork ere laguntzen ezteraukola
Nihori ezer ere ez.

Zure naigabea gorde zazu zutzat.
Bethi ixillik zagoz, ixillik, ixillik!
Khendu zazu begietatik nigarra
Nihork ezpeza ikhusi.

Naigabean zaro dadukazun miñak
Nigarrei ba'leriye, ba'lerakhuski
Eskutu thokirat iges egin zazu,
Bakharrik nigarr eizu.

Zoriak zuzaz barre egin nai ba'leza
Eragotz ezazu, gure phenak ilten
Barneko miñaz, ezpañetan barrea
Iphinten ba'geneki.

Eziezozu erran zuk miña innori.
Ixillik zagoz, egon ahal ba'zintez,
Ixillik gorde ezazu zure arimaren
Arimaren barnean.

Barre egizu, nigarr eitten duzun hori!
Bai ta phenak bizirik triskatzen ere!
Barre egin ezazu, zerorren barrea
Illel nigarra da ta.

Biztu gaittun biziaren sukharr hori,
Eraman begaitza zu zarean nayak,
Laindoko Lege sorr hori, zathorzkigu,
Gugan izan zaittezen!

Olympotarr hoik, etzituztet gurtzen nik,
Iraunkhorrak zuek ere zerate ta,
Zigurki Ezerezerat zohazte ta,
Ezer etzerate ta.

Zergattik?

Aurrera doha gudaria bethi
Eztaki bannan zer dan nai duena,
Bere begiek lanno gaiztoena
dadukate ta.

Zer dan gudua triskatzea baizik'
Zergattik hiltzen herriko semeak'
Zergattik nigar gure alhabeak'
nihork eztaki.

* * *

Zure begi beltzetan'
nire zoria
ikhusi dut benetan'
zure begia
bai-tago nire baithan.

.....

Gizonaren jakintza
itsasoko uin bat bezelakoa
bethi beko lurretan.
Nihork eztaki zein dan
Ta suntzitzen da ikhusi banno lehen.

.....

Ezerezetik gathorrtza—
ezer ezkera—
ezerezerat gohaz
zer da biziau
gezurr bat baizik?

.....

Guztia gezurra da;
dena irudia;
eztagoz ez gizonik;
ez arimarik;
dena atzipea da.

.....

Begiez aurrerantza
mundua doha;
Bihotzez atzerantza.
Gizonan kosmos
Gogoz norat doha ba?

.....

Gizonaren jakintza
txarr ta txikia
gogoaren argiaz
aintzina doha.
Berakin garamazki?